

A F R I C A.

Nomen.



Ostulat ordo, ut de Africa, monstrorum genitrice, dicamus, quæ proverbio locum dedit: *Africa semper aliquid novi profert.* Lingua Arabica dicitur *Iphrichia*, à verbo *faraca*, quod idem sonat, quod Latinis

divido: alii eam ita dictam arbitrantur, quia ab Europa mari Mediterraneo, ab Asia vero flumine Nilo separata sit. Alii autem nomen hoc deducunt ab Ifrico Arabiae felicitis rege, qui primus hanc terram fertur incoluisse. Hic ab Assyria rege victus & regno pulsus, cum toto exercitu Nilum transiit, & copias versus occidentem ducens, non prius quievit, quam in agrum Carthagini vicinum perventum erat. Atque hinc est quod Arabes Carthaginis solum, regionem, & occidentalem illam partem, Africam esse opinentur.

Origo.

Afros quidam à Palæstinis originem ducere credunt, quos ab Assyriis fugatos in Africam venisse, atque ibi propter soli fecunditatem sedes fixisse ferunt. Alii à Sabæis, Arabiae felicitis populo, uti dictum, ortos putant. Nonnulli à quibusdam Asiae incolis descendisse existimant, unde, bello illis à quibusdam moto, in Græciam aufugisse scribunt, quæ tum temporis nullos adhuc habebat incolas. Verum insequentibus etiam in Græciam hostibus, coacti mare Peloponnesiacum trajicere, sedem in Africa fixere. Sed hæc de eorum qui subfusi sunt coloris, hoc est Numidarum & Barbarorum, tantum originem intelligenda sunt. Nigritæ enim omnes à Chuso filio Chami, qui Noë filius fuit, originem ducunt. Verum quaecumque inter Nigritas & Subfucos sit discrimen; idem tamen omnes habere principium. Nam hi ex Palæstinis, Palæstini autem ex Mesraimo Chusi filio: illi vero ex Sabæis suum traxisse ortum volunt, Saba autem ex Rama Chusi filio progenitum in comperto est.

Magnitudo.

Asia minor est. Longitudo quippe ejus computatur ab Herculis Freto, ad promontorium Bonæ Spei, mill. 1500. Latitudo inter duo promontoria, Hesperium, vulgo *C. Verde*, & Aromata, quod est juxta fauces Arabici sinus, vulgo nunc *C. de Guardafuy*, mill. 100. Tota peninsula est quædam, quæ à septentrione clauditur mari interno, ab occasu Oceano Atlantico & Æthiopico: à meridie Oceano Indico, ab ortu mari rubro, qua parte Isthmo Asiae connectitur, cujus Isthmi intercapedo est mill. xxv. Controversia est inter Geographos, utrum Nilus dividat Asiam ab Africa, quod plerique statuunt,

Africa.

qua in re sententiam sequi præstat præstantissimorum Geographorum. Africam ab Asia, ut Pomponio Mele placet, separat Nilus fluvius, & meridianus per ejus defluxum ad mare usque Æthiopicum ductus. Sed Ptolemæo magis placet, ut Asia ab Africa dirimatur sinu Arabico, & Meridiano, qui inde ad mare Mediterraneum ducitur per Isthmum, qui Ægyptum Arabiae & Iudææ facit continentem, neque enim videtur Ptolemæo conveniens, ut Ægyptus distrahatur, & pars ejus Africae, pars autem alia Asiae tribuatur, quod fieret, si Nilus statuatur terminus Asiae & Africae. Ortelius vero in generali Africae tabula ita scribit: Animadvertendum est, eos, qui universam Africam mari Mediterraneo, Atlantico, Æthiopico & Nilo fluvio constringunt, Ægyptum & Æthiopiam Asiae adscribere, quas tamen regiones Africae connumerandas ducimus. Vera namque Æthiopia Presbyteri, ut vocant, Iohannis imperium continet, quod hodie omnes Africae annumerant. nos itaque potius cum Ptolemæo mari Mediterraneo & Oceano, quam Nilo fluvio, circumscribi oportere judicamus.

Africa pars meridionalior, sive extrema versus meridiem veteribus plane incognita fuit, usque ad annum Christi 1497, quo anno Vascus de Gama auspiciis regis Lusitaniæ Africam circumnavigavit, & extremum Africae ad meridiem promontorium, quod Caput Bonæ Spei dicitur, prætervectus, ad Calcutum pervenit. Pleraque ejus inculta, & aut arenis sterilibus obducta, aut ob situm cœli, terrarumque deserta sunt, aut infestantur multo & malefico animalium genere. In universum vasta est magis, quam frequens. Quædam tamen partes ejus eximie fertiles. Celebrem eam fecit olim Carthago, Romani imperii æmula, nec non Ecclesiæ Christianorum, quæ sub Augustino & aliis præstantissimis Doctoribus frequentes fuere.

Regiones atque gentes, in quas divisa fuit quondam, sunt, Ægyptus, Cyrenaica, Africa minor seu proprie dicta, Troglodytæ, Garamantes, Numidia, Mauritania, Gætulia, Libya interior, Arabia Troglodytica, & Æthiopia. Quinam eam populi antiquitus incoluerint, ex jam recitatis nominibus regionum & gentium constat. Advenæ autem primi fuere Phœnicum coloni, alique ex Asia profecti. Postea paruit Romanis; mox Græcis Imperatoribus: deinde Vandalis, Saracenis, Arabibus. Nunc partem tenet Turca, partem Serifus, quem vocant, partem reges alii, partem denique Hispaniarum rex. At Æthiopes à suo solo neque recesserunt, neque in id alios colonos receperunt. cujus rei

A

causa

Partes quæ
clim.

Termini.